

INUIT ATAQATIGIIT

Inatsisartuni



UPA 2017/22
Nuuk, 20.04.2017
HARO

Uunga siunnersuut: Qalerallit aamma aalisakkat allat ilaasa akitsuutaat pil-lugit Inatsisartut inatsisaata allanngortinneqarneranik Inatsisartut inatsisaat nr. xx, xx. xxx 2017-imeersoq. (Avaleraasartuut akitsuutaannik allanngueq)

(Aningaasaqarnermut Akileraartarnermullu Naalakkersuisoq)

Aalisarnermi inatsisit tamatigut allanngoqattaangitsumik misissuilluarnerit pitsaasut aalisarnermillu ingerlatsinermi suut tamaasa naatsorsuutingalugit piviusorsioortumik aqqissuuttarnissaat Inuit Ataqatigiinniik pingaartittuaan-narsimavarput. Matumanissaq Avaleraasartuunut akitsuutip 2014-mi eqquniarneqarnerata nalaani Inuit Ataqatigiinniik akit nalorninartoqartissimasagut maanna uppernarsineqarlutik aqqissuunneqalernerat nuannaarutingaarput.

Ullumikkut siunissamilu aalisarnek nunatta aningaasarsiorneranut pingaaruteqarluinnarpoq, nunatsinnut inuiaqatigiinnullu tamanut aningaasaqarnikkut sunniutigisinnaasai pitsaanerpaamik kinguneqartussanngorlugit suliassaammat.

Soorlu Aningaasaqarnermut Akileraartarnermullu Naalakkersuisup akitsuummik appartitsinissamut suliaqarnermini akitsuutip annertussusaata avaleraasartoorniarneq arlalitsigut eqqornerlukkiartulersimasaa aqqiiviginiarlugu misissuinermini paasisimagaa. Akitsuutimmi annertunaarsimanerata ersersippaa, aalisarneqarsinnaasunut akitsuuteqanngitsunut allanut taputartuusisariaqalernerneq aalisartut qinersimagaat aammalu nunatut avaleraasartoorniar-tartut allatulli pisassanik amerlisaanissaangalumut annertuumik pitsaann-gitsup tungaanut sunniuteqaleriartorsimasoq, tamanna iluarsiaarneqartari-aqarpoq. Tamanna iluarsivittariaqarpoq uungaralaanginnaq isiginermik anin-gaasanillu pissarsipallannissaminngarnit pitsaanipilussuummat.

Tusarniaanermi piffissaq sivikingineqaraluartoq taamaattorli iluarsisoqarnialer-nera tunngavingalugu naammagisimaarneqartoq paasinarpoq. Akissutilli ilaan-niit nunani allaneersut akitsuummik suli appasinnerusumik pinissaannut siun-nersuuteqarnermut tunngatillugu Naalakkersuisup akissutaa paasilluarlugu ta-perserparput.

Ilanngullugu Avaleraasartoorniarnermi akuersissutit inuiaqatigiinnut siamma-sissumik iluaqutaallutik aalisarneqarnissaat, kiisalu agguaanerup pisarnermik piaarnerusumik pisinnaanissaat kissaatiginartoq. Pisassiinermimi suleriutsip pitsaassusaata qularnaassammagu, suleriutsumik tamatigut sunniutigissaar-tumik siunissami atuuttuussamik malitassaqaalernissaqu.

Siunnersuut manna pitsaasumik nalilersuilluarluni suliassaasoq qulaani taak-
kartukkama ersersitaat pillugu, aningaasaqarnermut akileraartarnermullu ata-
atsimiitaliami suliarilluarneqarnissaa Inuit Ataqatigiinniik innersuussullugu in-
gerlateqqipparput.